



23. januar 2012

Inatsisartut suleriaasianni § 37 naapertorlugu Naalackersuisunut apeqqutit imaattut saqqummiup-pakka:

1. **Kalaallit Nunaanni inuusuttut 25 inorlugit ukiullit pinngitsoornatik suliffeqarnissaannik qularnaveeqqummik Naalackersuisut aallartitsilersaarpat?**
2. **Inuusuttut 25-it inorlugit ukiullit suliffissaannik qulakkeerneqarnerat qanoq ataatsimoortumik aningaasaqarnermut kinguneqaateqassava?**
3. **Inuusuttut 25 inorlugit ukullit suliffeqarnissaannik qulakkeerneqanngippata, tamanna qanoq ataatsimoortumik kinguneqaateqassava?**
4. **Nunani avannarlerni naalackersuisut inuusuttut suliffissaaleqinerisa akiorneqarnissaannut ataatsimoorussamik nunat avannarliit periusissaannik ineriartortitsinissamut nunarsuarmioqataanermullu atatillugu suliffissaqarnikkut ineriartortitsinermi unammilligassat pillugit Nunani Avannarlerni Siunnersuisoqatigiit kaammattuutaannut Naalackersuisut qanoq suleqataalersaarpat?**

(Inatsisartunut ilaasorta, Kim Kielsen, Siumut)

Tunggavilersuut:

Ukiuni kingulliunerusuni inuusuttut amerlanerugaluttuinnartut suliffissaqannginneq imaluunniit ilinniarsimanginneq pissutigalugu inuiaqatigiit ineriartornerisa avataani inississimasut amerliartuinnarnerat Nunani Avannarlerni Siunnersuisooqatigiit maluginiarpaat. 2011-mi ataatsimeersuarnermi Nunani Avannarlerni Siunnersuisooqatigiit siunnersuut **A 1510** Nunani avannarlerni ataatsimoorussamik inuusuttut suliffissaqannginnerannut akiuiniarnissamik imaqartoq akuersissutigaa.

Suliffissaaleqineq inuusuttunik utoqqaanerusunilluunniit eqquigaluaraangat, tamanna inuuniarnikkut inuiaqatigiinnullu annertuumik sunniuteqartarpoq.

Suliffissaaleqineq nammineq innuttaaqataasup sulisartutut inuuneranit peqataatitsinnginnerullunilu naammaginaratumik akissarsiaqarsinnaaneranit peqataatitsinnginneruinnarani ingammik inuusuttut suliffissaaleqisarnerat inuusuttut inuunermunik sinnerani suliffeqarnermut attuumassuteqarnerannut annertuumik kinguteqaateqartarpoq ilasortat siunnersuutaanni **A 1510**-mi oqaatigineqarpoq.

Inuusuttut ilinniagaqarlutillu inuiaqatigiit ineriartornerannut inuulluataarnitsinnullu ilapittuinissamut tungatillugu imminnut pilersornissamut ilinniarnissaat immikkut pingaarutilittut suliniuteqarfissatut isigineqarpoq.



SIUMUT INATSISARTUNI ILAASORTAATITAT

Ukiuni makkunani immikkut ilinniartitaanermut tunngasunik suliniuteqartoqarnera arajutsisimangilara, taamatullu ilinniartitaanermut tunngasunik suliniuteqarneq naammaginartumik inerneqarnerasoq ataavartumik oqaluuserineqarpoq. Inuusuttulli tamarmik suliffissaqarnissamik ilinniartitaanissamilluunniit qulakkeerneqarnissaat angusariaqarparput. Tamannami pinngippat tamanna inuiaqatigiit ineriartornerannut kigaallassaataasumik inunnut ataasiakkaanut inuiaqatigiinnullu kinguneqassaaq.

Apeqqutinut akissutit ullut qulit iluanni tiguneqarnissaat ilimagaara.